



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

«29» մարտի 2019թ.

Ո Ր Ո Շ ՈՒ Մ No. 538/04-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ
Ա. Մնացականյան քննարկելով Արսեն Գասպարյան Ա/Ձ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների Արսեն Գասպարյան Ա/Ձ-ի (ՀՎՀՀ 27873689, անձ. AH0511819, հասցե՝ ք.Երևան, Հալաբյան 31 60, գրանցման համարը՝ 271.24328) չկատարված հարկային պարտավորությունը «06» մարտի 2019թ.-ի դրությամբ կազմել է 1.082.275 դրամ, որից ապառք՝ 873.543 դրամ, տույժ՝ 136.069 դրամ, տուգանք՝ 72.663 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին «11» մարտի 2019թ.-ին հարկ վճարողը ՀՀ ինտերնետով ծանուցման պաշտոնական կայքի միջոցով պատշաճ կերպով ծանուցվել է, չի ներկայացրել վարույթի նյութերին ծանոթանալու համար և որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 15.02.2019թ.-ին կայացվել է չկատարված հարկային պարտավորությունները գանձելու մասին թիվ 3635-4Ա որոշումը, որի շրջանակներում վճարման ենթակա գումարը կազմում է շրջանառության հարկ՝ 218.930 դրամ, որից ապառք՝ 218.276 դրամ, տույժ՝ 654 դրամ, որոնք ներառված չեն սույն որոշման մեջ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում 863.345 դրամ, որից՝

Եկամտային հարկի գծով պարտավորությունը կազմում է 46.640 դրամ, որից ապառք՝ 33.072 դրամ, տույժ՝ 13.568 դրամ, որն առաջացել է 2017թ.-ի հունիս-դեկտեմբեր ամիսների ամսական եկտային հարկի 5.000 դրամ գումարներից, իրավահարաբերությունների պահին գործող ՀՀ արկերի մասին» ՀՀ օրենքի 23-րդ հոդվածի համաձայն հաշվարկված տույժերից, որը ուժի մեջ էր մինչև 31.12.2017թ.-ը և 01.01.2018թ.-ից հետո ՀՀ հարկային օրենսգրքի 401 հոդվածի համաձայն հաշվարկված տույժերից,

շրջանառության հարկի գծով պարտավորությունը կազմում է 775.505 դրամ, որից ապառք՝ 580.995 դրամ, տույժ՝ 121.847 դրամ, տուգանք՝ 72.663 դրամ, որն առաջացել է 2017թ.-ի 4-րդ-2018թ.-ի 3-րդ եռամսյակների հաշվարկներից, իրավահարաբերությունների պահին գործող ՀՀ արկերի մասին» ՀՀ օրենքի 23-րդ հոդվածի համաձայն հաշվարկված տույժերից, ՀՀ արկերի մասին» ՀՀ օրենքի 24-րդ հոդվածի համաձայն հաշվարկված տուգանքից, որոնք ուժի մեջ էին մինչև 31.12.2017թ.-ը և 01.01.2018թ.-ից հետո ՀՀ հարկային օրենսգրքի 401 հոդվածի համաձայն հաշվարկված տույժերից, ՀՀ հարկային օրենսգրքի 402 հոդվածի համաձայն հաշվարկված տուգանքից,

սոցիալական վճար /տարեկան/ գծով պարտավորությունը կազմում է 41.200 դրամ ապառք, որն առաջացել է 2017թ-ի տարեկան հաշվարկից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 9-րդ մասով և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Արսեն Գասպարյան Ա/Զ-ից գանձել 863.345 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողին ՀՀ ինտերնետով ծանուցման պաշտոնական կայքի միջոցով ծանուցելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



[Handwritten signature in blue ink]

Ա. ՄՆԱՑԱԿԱՆՅԱՆ